

Itz giuts ke Sekunde ds verliere. D' Gertrud het sofort mit dr Planig agfange. Sie het wöue ds rächter Zyt am Fescht si. Zerscht isch sie übere zu de Ameisi graaget, wo sech gar nid fröie, dass sie mit ihre Schliemschpuur die ganzi Wägmarkierige kapput macht. Über das zangge sie scho mängs Jahr, u d' Gertrud ärgeret sech sitt Jahre über di fiene Chrisnadle wo d' Ameisi ihre ufe Wäg lege. Aus i auem si sie aber zfriede mit dr Nachbarschaft; sie kenne äbe d' Mödeli vom Angere.

